





# OCEANS NORTH

 Oceans North, Grønlandskontoret  
Postboks 1433, 3900 Nuuk

 +299 522406

 [www.oceansnorth.org](http://www.oceansnorth.org)

15. juuni 2021

Nunalerinermut, Imminut pilersornermut, Nukissiuutinut Avatangiisinullu  
Naalackersuisoqarfik  
Postboks 1614  
3900 Nuuk, Grønland

Email: [pan@nanoq.gl](mailto:pan@nanoq.gl)

## **Suliniut Mary River, Baffinlandimik tamanut ammasumik tusarniaanermut oqaaseqaat – ESPOO-mut nalunaarusiaq, imm. 2-mi siunnersuutit**

---

Canadami Baffin Islandimi Mary Riverimi saviminernik aatsitassarsiorfimmik imm. 2-mi avatangiisinut nalilersuinermit Espoo-mut nalunaarummut tunngatillugu tusarniaanermut akissuteqarnissamut periarfissaqarnermut Oceans North Canadap aamma Kalaallit Nunaata Naalackersuisut qutsavigerusuppaat.

Oceans North tassaavoq ajunngitsuliornermik aaqqissuussiffik, ilisimatusarnikkut inuiaqatigiinnullu tunngaveqartutut piujuartitsineramik, Canadami, kiisalu Kalaallit Nunaata kitaani issittumi atlantikumilu imartami isumalluutinik uumassusilinnik piujuartitsisumik iluaquteqarnermik siuarsaasoq. Anguniagarput tassaavoq nunarsuup avannaani imartami ataqatigiiffinni pisuni manna tikillugu takuneqanngitsunik avatangiisini allannguutinik saaffeqartunik naalackersuinermi ingerlanniakkat ingerlatassallu siuarsarnissaat, aammalu indigenous knowlegde’p / sumiiffiusuni ilisimasat, pisinnaatitaaffiit tusarniaanerillu toqqammavigisaasa iluini illersorneqarnissaannik qularnaariniarneq.

Suliffeqarfik Baffinland Iron Mines Corporation (tulliani Baffinlanditut taaneqartoq) Espoo-mut nalunaarummik suliaqarsimavoq, taassumalu Canadami saviminernik aatsitassarsiornermik suliniummit, Mary Riverimit, killeqarfiusunik qaangiisunik avatangiisini sunniutaasunik nassuiaanissaq nalilersuinissarlu anguniagarai, pisariaqarpallu iliuusissat pinaveersaartitsissutaasussat nassuiaassallugit.

Nunalerinermut, Imminut pilersornermut, Nukissiuutinut Avatangiisinullu Naalackersuisoqarfiup (tulliani Naalackersuisoqarfittut taaneqartup) 2021-mi maajimi Espoo-mut nalunaarut, ilanngussat toqqartukkat ilanngullugit tamanut ammasumik tusarniaassutitut nassiuppai, taakkulu matumuuna oqaaseqaateqarfiupput. Ataatsimut isigalugu annertuumik saviminernik aatsitassarsiornermik suliniutip killeqarfiusunik qaangiisinnaasunik avatangiisinik sunniutaasunik nalunaarutip qaammarsaannginneranik Naalackersuisoqarfiup nalilersuina Oceans Northip tapersorsorpa.

Siullertut 2016-imi Sermitsiaq 13-imi Pinngortitaleriffimmit Mads-Peter Heide Jørgensenip aamma Fenando Ugartep allaaserisaat, ”Jernmalm eller hvalrosser” (“Saviminissaq imaluunniit aarrit”), ilanngullugu Pinngortitaleriffiup allakkiaa 16. januar 2020-meersoq Oceans Northip innersuutigai. Taakku assersuutigalugu Canadami Mary Riverimi saviminernik aatsitassarsiorfittut suliniutitut ittumut naleqqiullugu naalackersuisut sianigisariaqagaattut sianigisassanut avatangiisinullu tunngasutut kingunerisassat nassuiarpaat.

Aappaattut tamatigoortumik imartami miluumasunut, ingammillu aavernut nipiliornikkut ajoqusersuisarneq pillugu ilisimasat issittup imartaatigut suliffissuaqarfiit umiarsuaataasa anginerusut angalaarnerisa annertusisinneri sioqqullugit pitsaanerujussuarmik ilisimaneqartariaqarnerisa Kalaallit Nunaata aamma Canadap qulakkeerinissaat Oceans Northip kaammattuutigaa. Ingammik Issittup pinngortitami ataqatigiiffittut eqqortiasuunera sianigineqassaaq. Tamakku saniatigut suliffissuaqarfinni suliniutit angisuut iluini umiarsuit angalasarnerisa, umiarsuit aqquataasa, aammalu (soorlu uuliakoormi imaluunniit kuuttoortoqarnerani) mingutsitsisoqarnerani upalungaarsimanerit iluini ‘pitsaanerpaamik periusissanik’ nunat suliaqarnissaat Oceans Northip kaammattuutigaa.

### **Umiarsuit angallannerat**

Umiarsuit angallannerisa avatangiisinut sunniutaat, Canadami, Kalaallit Nunaanni imaluunniit nunat tamalaani imartani pigaluarpataluunniit imartami miluumasutut uumassuseqartuusuni tamani naliliiffiqineqassasut Oceans Northip kaammattuutigaa.

Arctic Councilip suleqatigiissitaanut PAME-mut Oceans North sianiginneqquserusuppoq. Issittumi umiarsuit angallannerannit immap iluani nipiliornermik misissueqqissaarineq nutaaq (PAME, 2021):

*”Nunarsuarmi imarpinni amerlanerpaat assigalugit issittup imartaani immap iluani nipiliornermut avatangiisumut umiarsuit angallannerisa allannguuteqartikkaat suliap tamatuma takutippaa. Immap sikuata annikilliarturnerata ingerlajuarnera malillugu umiarsuit angallannerat immallu iluani nipiliorneq annertusiartussaaq. Issittup ilaani immap iluani nipiliornerit arferit, puisit aarrillu attaveqaqatigiissinnaanerannut, aammalu nipiminnik iluaquteqarnerannut ilimanaateqartumik akornusersuisutut inissisimaffik tikereersimalerpaat, imartamilu inuusoqarfinnik allanik sunniisinnaallutik. Issittumi sinerissamut qanillutik nunap inoqqaavinut issittumi imartami miluumasut, aamma imartami ataqatigiiffiit peqqissuusut pingaaruteqassusiat isigalugu apeqquut taanna suli annertunerusumik sianigineqarnissaanut pissutissaqartitsivoq.”*

<https://pame.is/projects/arctic-marine-shipping/underwater-noise-in-the-arctic>

## **Ikkannersuaq**

Qeqertarsuup Tunuani, aamma Ikkannersuarmi sumiiffeqarpoq immikkut ittumik mianersuutassaasunik. Ingammik Qeqertarsuup kitaa'tungaa, Qeqertarsuup Tunua, Ikkannersuaqarfipparlu. Sumiiffik tamarmi tassaavoq sumiiffik immikkut ittumik akornuserneqarani alliartorfiusoq, imaluunniit uumassusileqarfiusoq, immikkut ittumik sianigisarialik.

Immikkut ittutut mianersuutassaasumut Ikkannersuarmut Pinngortitaleriffik (Grønlands Naturinstitut – GN) aarleqquteqartoq malugaarput. Tamatuma saniatigut uumasut allaneersut isaasartut sunniutigisinnaasaannut Fisheries and Oceans Canada (DFO) aarleqquteqarpoq. Imartami uumassusilinnut allaneersunut isaasartunut tunngatillugu pisussaaffinnik arlalinnik, aammalu umiarsuarmut oqimaaqutitut erngup taarserarneranut DFO inassuteqarsimavoq. Ikkannersuarmut sunniutaasinnaasut naliliiffiginerini umiarsuarmut oqimaaqutitut erngup taarserarneranut aarleqqutit paasillugillu ilanngunnissaat pingaaruteqarput.

## **Imartami miluumasut timmissallu**

Baffinip Kangerliumarnganik, imartallu akiini tamani immamut kaajallaallutik kangerloqarfinnik, Kalaallit Nunaanni aamma Canadami imartami miluumasorpasuit pisariaqartitsipput. Qipoqqaat, qilalukkat qaqortat, aarrit, arfiviit, nannut, puisit assigiinngitsut, arferit soqqallit, kigutillit, arferillu kigutillit allat amerlasuut, kiisalu imartami timmissat sumiiffiit tamakku pisariaqartippaat. Uumassusillit tamarmik umiarsuit angallannerinit akornusersuinernut sunnertiasinnaapput, sunniutaasullu Espoo-mut nalunaarusiami tamakkiisumik ilisimatuserfigineqaratilluunniit qaammarsaavigineqanngillat. Uumassusillit tamarmik mingutsitsinermut, soorlu uuliakoornermut eqqortiasuupput, tamannalu mingutsitsinermut upalungaarsimanissamut aalajangiisuuneranut tunngaviuvoq.

Ataani Baffinip Kangerliumarngani qilalukkanut qernertanut umiarsuillu angalanerisa sunniutaannut tunngatillugit immikkoortut nalunaarsukkat ipput:

- Baffinip Kangerliumarngani qilalukkat qernertat uumasuusut tassaapput Canadami Nunavumi aamma Kalaallit Nunaata Kitaani ukiumoortutut inuuniutigisatut piniakkat ilaat, inigisamiknullu angalaarnermikkut ukiumoortutut sumiiffigisamiknullu qalleraattarput. Uumasooqatigiit ilaat Canadami aamma Kalaallit Nunaata Kitaani sumiiffinni arlalinni pisarineqartarput.
- Baffinip Kangerliumanerani qilalugaq qernertaq, aasaanerani aatsitassarsiorfiusup qanitaaniittoq tassaavoq Eclipse Soundimi uumasooqatigiit ilaat, uumasooqatigiit amerlassusaannut missiliuutaalluni uumasut 12.039 (95 % CI 7.768-18.660).
- 2020-mi Eclipse Soundimi qilalukkat qernertani uumasuusunik missiliuutigisaaq 5.018-inik uumasooqarneratigit malunnartumik annikinneruvoq (95% CI 4.736-5.317), suliniummut attuumassutilittut sikumik aserorterineq ikileriarnermut najoqqutassaasinnaasimalluni.
- Eclipse Soundimi qilalukkat qernertani qaammataasanut nalunaarusersukkani 1/6-it Kalaallit Nunaata Kitaani Qeqertarsuup Tunuani ukiisimapput.
- Ukiumoortumik Qeqertarsuup Tunuani pisarineqartartutut arferit 60 %-iisa missaat Eclipse Soundimi uumasooqatigiinnit pisuussanerat naatsorsuutigineqarpoq.
- Qilalugaq qernertaq ileqqorisartakkaminut tunngasumik sungiussiasuunngilaq, imaluunniit annikitsuinnarmik sungiussiassuseqarpoq, avatangiisiminnilu allanngortoqarneranut eqqortiasuusutut isigineqarpoq.

Suliniuummut attuumassutilittut suliarisat imartami miluumasunut ‘sutigulluunniit killup tungaanut sunniuteqanngitsut’ Baffinlandip siulittuutigaa. Suliniuummit aamma nunap immikkoortuani imartami misissuisoqarfiusumi umiarsuit angalanerannit annertusiartuaartutut sunniutit malunnartuussanngitsut, aammalu annertuunik killeqarfinnik qaangiisunik sunniutinik nassataqassanngitsut Baffinlandip aamma siulittuutigaa. Taamaattorli ukiut kingullit arfinillit ingerlaneranni misissuinerup, Oceans North Canadap ingerlassimasaata takutissimavaa sumiiffimmi qilalukkamik qernertamik akornusersuineq tassaanngitsoq ullormik sivisussusilittut sivikitsuinnaassusilik, imartamilu miluumasunut, ingammillu qilalukkamut qernertamut akornusersuinerup taassuma pingaarnertut piffissamut ungasissumut kingunerisinnaasai ilisimaneqanngitsut takutippai.

Ilisimasani amigaataasunut Naalackersuisoqarfiup aarleqquteqarneranut tunngatillugu Canadami pisorta qarfiit, soorlulusooq inuit kattuffigisaat imm. 2-mik nalilersuinermut tusarniaanerup iluani imartami miluumasunut atatillugit taakku saqqummiussimavaat. Eqimattunit taakkunanit ataasiakkaanit tamanit inaarutaasutut allaganngorlugit nalunaarutit saqqummiussinerillu Kalaallit Nunaanni naalackersuisut misissussagaat kaammattuutigaarput. Taakku nittartakkami uani nassaassaapput: Nunavut Impact Review Board, [www.nirb.ca](http://www.nirb.ca). Tullia imm. 2-mut inaarutaasutut tusarniaanerit, maannakkut COVID-19-imik tunngaveqartumik unitsinneqarallarsimasut sioqqullugit 2021-mi januaarimi ullulerneqartutut Department of Fisheries and Oceansimit inaarutaasutut allaganngorlugu nalunaarummit issuugaavoq.

Naalagaaffeqatigiiffimmi aalisarnermut imartamullu naalackersuisoqarfik (DFO) malillugu ”*siunnersuutigisatut oqilisaassutaasussat sunniuteqassusaanni, aammalu suliniuummi sunniutaasussat, pinngussappata, paasineqarnissaanut maannakkut nakkutilliinissamut ingerlatassanut periarfissani nalorninartortaqarpoq, aamma ... suliniuummut attuumassuteqartutut umiarsuartigut suliarisanit imartami miluumasunik sunniutaasut annikillisinneqarsinnaannginnerannut, imaluunniit tamakkiisumik pinaveersinneqarsinnaannginnerannut DFO suli aarleqquteqarpoq. Taamaattorli sunniutit taakku annertussusaat nassuiarneqarsinnaanngillat. Taamaalilluni aserujaatsumik nakkutilliisarneq, aammalu naleqqussarneqartumik aqutsinissamut pisussaaffigisaq imartami miluumasut illersornissaannut*

*aalajangiisuupput.*” Naleqqussakkanik aqutsinissamut pilersaarutitut taakkununga piareersimaniarnermut taakku sulit tamakkiisumik ineriartortitaasimangillat.

Tamatuma saniatigut DFO-p aamma oqaatigisimavaa *”imm. 2-mi avatangiisinik nalilersuinerup tamarmiusup nalaani umiarsuit angalanerini sikumillu aserorterinermik suliani annertusiartortoqarnissaanut siunnersuutigisamut tunngatillugu DFO-p aarleqquteqarnini nalunaarsimavaa, aammalu [imartami miluumasunut] sunniutit tamatigoortutut malunnartuussannginnerat pillugit Baffinlandip inerniliussaanut isumaqataanani. DFO-p Science-mik (ilisimatusarnermik) misissuinerani tamarmi oqallissutaasutut ”Malunnartussaannnginnermut” nalilersuinerup tapersersuutissanik Baffinland ilisimatsitsissutinik, najoqqutarisanik, paasissutissanik aamma / imaluunniit misissueqqissaarinernik pilersuuteqarsimangilaq.*” Nalunaarut taanna Baffinip Kangerliumarngani qilalukkat qernertani uumasooqatigiinnut sunniutaasut ilisimaneqannginnerannik Kalaallit Nunaanni naalakkersuisut aarleqquteqarnerannut toqqaannartumik assinguvoq. Aarleqqutit assingusut annertusiartuaartutut sunniutinik nalilersuinerup DFO-p misissuinerani nassaassaapput – *”Imm. 2-mi avatangiisinik nalilersuinerup tamarmiusup nalaani sunniutinik ataqatigiissunik nalilersuinerup pioreersup sunniutit ataqatigiissut akornanni nalornissuteqarnernik suliarineqarsinnaasullu akornanni naammattumik isumaliutaannginneri, taamatuttaarlu nunap immikkoortuani misissuiffigisap avataani sunniutinik ataqatigiissunik sianiginninnginera pillugit DFO aarleqquteqarnerminik saqqummiussisimavoq.*”

Imm. 2-mi tusarniaanerit iluini, ilanngullugit sunniutit annertusiartuaartuni apeqqutit taakku ilarpassuinik iluarsiiarluni DFO imatut oqaaseqarsimavoq: *”Ingerlattagassat ilassutaasumik ineriartortinnissaat DFO, Inuit, attuumassutilittut kattuffiit aamma suleqatigiissitat suleqatigalugit pissapput. Imartami avatangiisini annertuunik imaluunniit isumalinnik sunniuteqartoqarneranik nakkutilliinissamik ingerlattakkani ilanngussatut inernerisat takussutissiissappata, imaluunniit naatsorsuutigisatut atugarisatut oqilisaassutitut aamma nakkutilliinissamut suliarisat sunngiuteqarluartuunngippata, imartami avatangiisit illersortuarnissaat qularnaarniarlugit naleqqussakkanik aqutsinissamut periusissiat aalajangerniarlugit Baffinland DFO-mik, Inuit, attuumassutilittullu soqutigisaqaqatigiinnik allanik suleqateqarnissamut pisussaaffiligaassaaq.*” Tamatuma oqilisaaniarluni suliarisassat,

aammalu naleqqussakkatut aqutsinissamut pilersaarutit maannakkut inissisimanninnerat nassataraa, pilersinneqassallutillu, tamannalu killeqarfiit qaangerlugit sunniutinut nalorninartuusunik annertusaavoq.

Qikiqtani Inuit Association, tassaasoq sumiiffimmi nunap immikkoortuani Inuit sinniisuuffigisaattut kattuffik annertusiartuaartutut sunniutinut tunngatillugu DFO isumaqatigaa. Imatut oqaaseqaateqarsimavoq:

*”Annertusiartuaarfiusumut tamakkiinerusumik nalilersuinissamut pisariaqartitsineq atajuarpoq. Nunap immikkoortuani misissuiffiusup avataani umiarsuaatimi allatullu suliaqarnerit akornanni attaveqatigiittoqarsinnaasoq Baffinlandip akuersissummini akueraa, aammalu nunap immikkoortuani naalagaaffeqatigiit naalagaaffiata pilersitaani ingerlatassaanilu, ilanngullugit naalagaaffeqatigiit pilersitaat, Canadap issittortaata kangia’tungaani nunap immikkoortuani annertusiartuaartutut sunniutinik nalilersuinissamik siunertaqartut pingaarnertut soqutigisaqarfigalugit peqataaniarnissaminik isumaqatigiissuteqarsimalluni. Taamatut pilersitsinissamut piffissaliussa q ilisimaneqanngilaq, taamaattumik ingammik umiarsuit angalanerinit attuumassutilittut sunniutaasinnaasut pillugit nalornissuteqartoqarpoq.”*

Inuiaqatigiinni eqqorneqarnerpaasumi Pond Inletimi piniartut soqutigisaqarfiinik sinniisuuffiusoq kattuffik tassaavoq Mittimatalik Hunters and Trappers Organization. Annertusiartuaartutut sunniutit pillugit nalunaarutaat aamma qilalukkat qernertuni Baffinip Kangerliumarngani innuttaasunut sunniutinik paasinninnermi ilisimasani amigaataasunut aarleqquteqarnermik nalunaarfiuvoq.

*”1. juulimit 15. novembarimut umiarsuit ingerlaarnerinik arlalinnik, ilaatigooriarluni ataatsikkut umiarsuarnit sisamanit, qilalukkat qernertat arlaleriarlutik eqqorneqartarnissaannik piviusumik BIM-ip imm. 2-mut tapiliussaani sunniutaasussanik misissueqqissaarinerup naammattumik inissiiffeqannginnera assut aarleqqutigaarput. Imm. 2-mut tapiliussami isumaliutigineqartumi arlaleriarluni uteqattaakkamik umiarsuit angalaarnerisa sunniutissaannik immikkut ittumik nalilersuuteqartoqanngilaq. Kingunerisinnaasanik misissueqqissaarineq umiarsuup ataasiinnaap angalaneranit missiliuutigisatut sunniutit sammisarai, piviusuni ikittuinnaararsuartut pisoqarluni taamaallaat (taamatut pisoqassappat) suliniummit angallat taamaallaat ataaseq LSA-miissalluni. BIM-ip pilersuutigisaatut annertusiartuaartunik sunniutinik nalilersuinermi suli annertuunik ilanngussiviginngisaqartoqarpoq, tamannalu tutsuiginarunnaarsaavoq.”*

ESPOO-mut nalunaarusiami suli eqqortumik naliliiffigineqanngitsumik killeqarfinnik qaangiisutut ajornartorsiut Oceans Northip saqqummiukkusuppa. Kulstoffip minguttup anianeri silaannarsuarmi kissassaaqataapput, aammalu Issittumi annertunerusumik sunniuteqarlutillu sukkanerusumik sermimik aatsitseqataallutik. Canadami naalagaaffeqatigiit Avatangiisinut aamma Silap pissusaata allanngoriartorneranut immikkoortoqarfiata allaganngorlugu ilanngussaminni inaarutaasumi imm. 3.2.1-imi inassutigisimavaat ”*Canadaq imartai aqqusaarlugit angalanermut 0,1 % S MGO-mik (akuiagaasutut orsussamik) atuisoqassasoq, assingusutulluunniit allatut qinigassanik atuisoqarluni*”. Nunani issittuni sumiiffimmik kulstoffi minguttoq sunniisinnaammat kulstoffimik minguttumik aniatitsinerit annikillisarfiarlugit akuiagaasumik orsussap atugarinissaa pillugu qinnuteqarnissaq Kalaallit Nunaanni naalakkersuisunut isumatusaarnerusinnaavoq.

### **Tamanik takunnissinnaassuseq**

Baffinlandip imm. 2-mut avatangiisinik nalilersuineramik ingerlataa Kalaallit Nunaannut apeqqutinik pingaarutilinnik arlalinnik saqqummiussaqarpoq. Baffinlandip tamakkiisumik ineriartortitsinissamut pilersaarutaanut tunngatillugu tamanik takunnissinnaassutsimut ajornartorsiut angisooq, Canadami kattuffinnit arlalinnit (aamma taamaattuurtut Oceans Northimit) saqqummiunneqarsimasooq tunngavoq.

Imm. 2-mut nalilersuinermi tassani ukiup ilaani suliaqarfiusartuni ataasiakkaani tamani Milne Inlet aamma Eclipse Sound aqquqatigalugit 12 millioner tonsit nassiuttarnissaat pillugit Baffinland qinnuteqarpoq. Umiarsuit angalaneri taakku piffissamut qaammatinut pingasunut naleqqiullugu piffissami sivikinnermi pisassaaq, aammalu sumiiffimmik tassannga uumasooqatigiinnit ingerlaartunik arlalinnik, ilanngullugit qilalukkat qernertat aamma qilalukkat qaqqortat, iternga tikillugu atugaqarnerannut qalliivoq. Sumiiffik tamanna nunarsuarmi annertunerpaamik uumasuuffigineqartutut qilalukkat qernertat angerlarsimaffigisaattut isumaqarfigineqarpoq. Qilalukkat qernertat uumasooqatigiit taakku Baffinip Kangerliumarngani aamma Pikialasorsuarmi ukiisarput, aammalu Canadamit aamma Kalaallit Nunaannit avinneqartarlutik. Maannakkut umiarsuit angalasarnissaasa annertussusaat (ukiup ilaani suliaqarfiusuni ataasiakkaani 6 millioner tonsit) annertuumik avatangiisinik ajoqusiisinnaareersoq piniartut ilisimatuullu



aarleqqutigaat, aammalu umiarsuit angalaarneranni 12 millioner tonsinut siunnersuutigisatut annertuseriarnissap siusippallaarnissaa aarleqqutigalugu, tassalu maannakkut umiarsuit angalaarnerisa sunniutaanik pitsaanerusumik paasinninnerput sioqqullugu.

Milne Inlet aqqusaarlugu 18 millioner tonsinik nassiussaqaarnissaq pillugu pilersaarutiminut annertunernut tunngatillugu avatangiisinik nalilersuinermik ingerlassami Baffinland tamanik takunnissinnaaffiusimangilaq. Pilersaarutit taakku isumaliutaannaangillat, aammalu niuernermi allagaataasuni nassuiarneqarsimapput, ilanngullugit annikinnerusunik aktiaatillup ArcelorMittalip ukiumoortumik nalunaarusiaani, kiisalu Baffinlandimit obligationinik nioqquteqarnermut tunngatillugu allagaatini. Aamma ukiup ilaani suliaqarfiusukkaani saviminissat ilassutitut 6 millioner tonsit taakku, avatangiisinik sunniuteqarnermut ingerlassami ilaatinneqanngitsut, umiarsuit angallannerinut pissutsinut naleqqiullugu annertusinermik nassataqartitsissapput, immami miluumasunut, Kalaallit Nunaanni aamma Canadami imartani piffissamik atuisartunut suli annertunerusunik killup tungaanut sunniuteqarnissamut ilimanaateqarlutik, uumasogatigiillu nunani taakkunani tamani kultureqarnikkut aningaasaqarnikkullu aamma pingaaruteqarput.

Suliniutinut angisuunut, killeqarfiit qaangerlugit sunniiffeqartunut tunngatillugu nunat tamalaani pitsaanerpaamik periusaasartut tassaapput pilersaarutit tamakkiisut tamakku, aammalu suliniutip sunniutissaasa, tamanut saqqummiunneri, taamaalillutik suliniutip akuersissummik pissarsinera sioqqullugu sanilerisatut innuttaasut aamma naalagaaffiit annertuunik sunniutaasinnaasunik sianiginnissammata.

## **Inerniliissut**

Suliniut annertuupilussuarmik umiarsuit angallannerannik, aammalu Kalaallit Nunaata imartaani tunngaveqartuunerinik ilaqarmat kingunerisinnaasatut misissueqqissaarinnermut piumasaqaatini killeqarfiit qaangerlugit sunniutaasunik naammaginartumik misissuinerup ilaasariaqarnera Oceans Northip erseqqissassallugu kissaatigaa. Espoo-mut nalunaarusiami pilersuutigineqartut, paasissutissat tamakkiisuunngitsut tunniunneqarsimasut tunngavigalugit Kalaallit Nunaanni

uumasoqatigiinnut aamma inuiaqatigiinnut aarleqqutaasinnaasunik Kalaallit Nunaat tamakkiisumik nalilersuisinnaangilluinnarpoq.

Oceans North Canada aamma Greenland sinnerlugit

Søren Stach Nielsen, suliniutinut pisortaq